

Asistentes:

- D. Gaspar Pérez Carnero (Presidente).
- D. Angel Fco. Vilas Fernandez (Vicepresidente 1º)
- Dª Raquel Calleja Modia (Secretaria).
- D. Antonio Espiñeira Cajaraville (Tesoureiro)
- D. Óscar Bruno De Prado Rodríguez (Vogal)
- D. Jose María Dorado Reboredo (Vogal)
- D. Francisco Javier García Veiras (Vogal)
- D. Walter López Rodríguez (Vogal)
- Dª. Juana María Martínez Fernández (Vogal)
- D. Miguel Ángel Reboredo Otero (Vogal)
- D. Jesus Rodriguez Perez (Vogal).

En Padrón, ás 17:00 horas do 20 de Xaneiro de 2023, e coa asistencia dos membros mencionados na marxe, celébrase xuntanza da xunta directiva da Federación Galega de Xadrez, coa seguinte

Orde do día:

1. Presentación e informe do Sr. Presidente.
2. Aceptación de cargos.
3. Organización da Xunta Directiva.
4. Proxecto e calendario deportivo da tempada 2023. Aprobación, se procede.
5. Orzamento 2023. Aprobación, se procede.
6. Outros asuntos e propostas.

Entregada toda a documentación relativa a esta reunión, iníciase a mesma seguindo os puntos da orde do día.

1. Presentación e informe do Sr. Presidente.

D. Gaspar Pérez Carnero, Presidente electo do proceso electoral celebrado no 2022, da a benvinda aos asistentes e realiza un breve informe de cómo serán estes vindeiros 4 anos.

2. Aceptación de cargos.

Todos os membros da xunta directiva formalizaron a aceptación do seu cargo.

3. Organización da xunta directiva.

Nesta lexislación o Sr. Presidente quere dar máis responsabilidade aos membros da Xunta Directiva otorgándolles temas organizativos sempre coordinado cá secretaria da Federación, Dª. Raquel Calleja Modia.

A organización quedaría desta maneira:

- **Circuíto de Promoción, Xogade e Promoción do xadrez nos centros escolares a través da SXD:** D. Ángel Fco, Vilas Fernández e D. Miguel Ángel Reboredo Otero.
- **Circuíto Internacional:** D. Óscar Bruno de Prado Rodríguez e Dª. Juana María Martínez Fernández.
- **Promoción do Deporte Femenino:** Dª. Yudania Hernández Estévez.
- **Liga Galega de Xadrez:** D. Jose María Dorado Reboredo e D. Francisco Javier García Veiras.
- **Retransmisión:** D. Walter López Rodríguez e D. Jesús Rodríguez Pérez.
- **Arbitraxes:** D. Francisco Javier Ogando.

4. Proxecto e calendario deportivo da tempada 2023. Aprobación, se procede.

Preséntase aos asistentes o Proxecto e Calendario Deportivo 2023.

- **Campionatos Provinciais 2023:**

Estúdiáanse as propostas de colaboración recibidas, xa que a organización é da Fegaxa.

- Lugo: a Escola Luguesa de Xadrez para realizar todas as categorías.
- Ourense: o Clube Deportivo Xadrez Ourense para realizar as categorías Sub-08 a Sub-18 e a Absoluta se se pode organizar con ritmo rápido ao igual que o ano pasado.
- Pontevedra: o Club Xadrez Fontecarmoa para organizar todas as categorías.
- A Coruña: colaboración de:
 - Xadrez das Mariñas para realizar todas as categorías.
 - Escola de Xadrez Compostela tamén para realizar todas as categorías.



Tras o estudo, propónse dividir a organización, é dicir, que Xadrez das Mariñas organice as categorías Sub-08, Sub-10, Sub-12 e Sub-14; e a Escola Xadrez Compostela as categorías Sub-16, Sub-18 e Absoluta.

Queda pendente pórse en contacto cá Escola xadrez Compostela para saber se está pola colaboración nesas categorías.

Tamén habería que ver que se actualicen os ritmos de xogo atendendo ao estipulado no Regulamento Xeral de Competicións, xa que hoxe en día xa non hai que tomar medidas excepcionales sanitarias.

- **Campionatos Galegos 2023:**

Debido ao proceso electoral e ao retraso que implicou na organización das competicións, e tras porpoñer e tralo rechazo da Sociedad Deportiva Club Marcote (a través de D^a. Juana M^a. Martínez Fernández) a organización dos Campionatos do Entroido na súa sede debido á falta de local de xogo, propónse organizar tanto os Campionatos Galegos de Entroido coma os de Semana Santa no Hotel Scala. A día de hoxe habería que modificar as datas de celebración da categoría Sub-16 xa que podería haber problemas de aloxamento e salas de xogo.

Tamén estúdiáanse as cotas de inscricións aos Campionatos Galegos 2023:

Campionato	Cota por xogador 2023
Campionato Galego Sub-8	10 €
Campionato Galego Sub-10	15 €
Campionato Galego Sub-12	15 €
Campionato Galego Sub-14	15 €
Campionato Galego Sub-16	15 €
Campionato Galego Sub-18	15 €
Campionatos Galegos Absolutos	15 €
Campionatos Galegos Rápido/Relámpago	10 €/campionato

- **Liga Galega por Equipos de Club:**

Preséntanse os prazos para a afiliación 2023:

- o Envío documentación afiliación: Martes, 24/01/2023
- o Notificación Altas/Baixas equipos: ata o Domingo, 05/02/2023 (incluído)
- o Modificación Ordes de forza: ata o domingo, 12/02/2023 (incluído).
- o Publicación grupos provisionales: Luns, 13/02/2023 (pode que se adiante a data)
- o Sorteio equipos e grupos definitivos: Luns, 20/02/2023 (pode que se adiante a data).
- o Calendarios Liga: Mércores, 22/02/2023 (pode que se adiante a data)
- o Comezo da Liga Galega 2023: Sábado, 25/02/2023 ás 17:00 horas.

- **Copa Galicia 2023:** quedaría para o 27 e 28 de Maio de 2023. D. Óscar de Prado e D^a. Juana Martínez propoñen equilibrar os honorarios do árbitro auxiliar, xa que, actualmente o principal cobra 280 € e o adxunto 120 €. Podería aumentarse ata 200 €.

Mantense as cotas de inscrición á Copa Galicia 2023:

Equipos	Cota por equipo 2023
Copa Galicia Cadete	20 €
Copa Galicia Absoluta	20 €

- **Campionatos Galegos de Lóstrego e Rápidas 2023:** para o 03 e 04 de Xuño de 2023.
- **XXXIV Circuito Internacional Galego de Xadrez 2023:** realizarase unha reunión cós organizadores e buscar unha forma de aumentar os premios do Circuito para fomentar a participación o que sería un beneficio conxunto para todos os organizadores.
- **XVI Circuito Galego de Promoción 2023:** comezar no mes de Maio (os días festivos) e ata a clausura no mes de Novembro.

Apróbase por unanimidade o proxecto e calendario deportivo da Tempada 2023. Levaríase á Comisión Delegada as modificacións realizadas para a súa aprobación.

5. **Orzamento 2023. Aprobación, se procede.**

O Sr. Presidente presenta o orzamento para o 2023.

Aumenta o gasto no Campionato de España de Seleccións do CSD 2023 xa que terá lugar en Albacete.

Non habendo preguntas, pásase á votación e apróbase por unanimidade.



6. Outros asuntos e propostas.

D. Jose María Dorado Reboredo expón a actualización e modificación de varios artigos do Regulamento Xeral de Competicións.

Un é o artigo 6.5 onde expón: "A Fegaxa deberá contratar un seguro obligatorio, según o artigo 59.2 da Lei do Deporte 10/1990 de 15 de outubro e según o Real Decreto 849/93, do 4 de xuño, polo que se determinan as prestacións mínimas do seguro obligatorio deportivo."

E debería pór: "A Fegaxa poderá contratar un seguro obligatorio, según o artigo **23.2e da Lei do Deporte 39/2022, do 20 de decembro** e según o Real Decreto 849/93, do 4 de xuño, polo que se determinan as prestacións mínimas do seguro obligatorio deportivo."

E o outro artigo do Regulamento a modificar é o 3.4 do Título VIII da Liga Galega por equipos de Club, onde expón: "Non se permitirá o cambio de xogadores entre Clubs unha vez finalizado o período de afiliación que establecerá a FEGAXA a través de circular. Un xogador/a non poderá participar na liga galega con outro club, aínda que non xogase. O Club que ten a baixa federativa dun xogador/a poderá alinear nese equipo a outro/a para suplir a baixa, sempre e cando non modifique a orde de forza inicial e se realice dentro dos prazos regulamentarios. **Todo xogador/a que dispute un encontro da liga galega non poderá obter a baixa federativa ata a conclusión da mesma.**"

Propón a seguinte modificación: "Non se permitirá o cambio de xogadores entre Clubs unha vez finalizado o período de afiliación que establecerá a FEGAXA a través de circular. Un xogador/a non poderá participar na liga galega con outro club, aínda que non xogase. O Club que ten a baixa federativa dun xogador/a poderá alinear nese equipo a outro/a para suplir a baixa, sempre e cando non modifique a orde de forza inicial e se realice dentro dos prazos regulamentarios. **Todo xogador/a que dispute un encontro da liga galega non poderá obter a baixa federativa ata a conclusión do ano natural, é dicir, ata o 31 de decembro.**"

Debátese a última proposta porque o Regulamento da FEDA sí permite que un xogador poida participar en dúas federacións autonómicas ao longo da tempada non permitíndolle participar no Campionato de España; polo que a Fegaxa non pode prohibir a un xogador solicitar a baixa e federarse por outra Comunidade Autónoma. O que sí pode facerse é limitar a participación de xogadores que veñan doutras Comunidades Autónomas nas competicións oficiais pertencentes ao Calendario Deportivo.

Ao non haber máis asuntos e propostas que tratar, levántase a sesión ás 17:57 horas.

Vº e praxe:

Dª Raquel Calleja Modia
Secretaría FEGAXA

D. Gaspar Pérez Carnero
Presidente FEGAXA

